



**ADDENDA AO CONVENIO DE COLABORACIÓN ENTRE A CONSELLERÍA DO
MEDIO RURAL E O CONCELLO DE VILANOVA DE AROUSA PARA A
REALIZACIÓN DE OBRAS DE INFRAESTRUTURA RURAL**

REUNIDOS

Dunha parte, **M.^a José Gómez Rodríguez**, en virtude do Decreto 44/2024, do 14 de abril polo que se nomean os titulares das consellerías da Xunta de Galicia, actuando en nome e representación da Consellería do Medio Rural da Xunta de Galicia, en uso das facultades atribuídas na Lei 1/1983, do 22 de febreiro, reguladora de normas da Xunta e da súa presidencia.

Doutra parte, **Gonzalo Durán Hermida** actuando en nome e representación do Concello de Vilanova de Arousa, na súa calidade de alcalde/sa-presidente/a, en virtude das facultades representativas que lle atribúe o artigo 61.1 da Lei 5/1997, do 22 de xullo, de administración local de Galicia.

Ambas as dúas partes actúan no exercicio dos seus respectivos cargos, coa representación legal que ostentan, e recoñécense mutuamente capacidade para se obrigaren nos termos da presente addenda, e para o efecto

EXPOÑEN:

Primeiro: Con data 5 de xuño de 2025 a Consellería do Medio Rural e o concello de Vilanova de Arousa asinaron un convenio de colaración cuxo obxecto é a realización da obra de infraestruturas rurais **"Mellora na rede de saneamento nos novos viais da parcelaria en Baión"**

Segundo: O convenio establece nas súas cláusulas segunda e terceira o importe máximo do orzamento de execución da obra en **277.794,28 €** con cargo á anualidade 2025.

Terceiro: O convenio establece nasúa cláusula novena que as modificacións formalizaranse mediante "addenda" cos mesmos requisitos e condicións para a aprobación do Convenio.

Cuarto: O 14-07-2025 asinouse Orde de execución da encarga ao medio propio Empresa de Transformación Agraria, SA, SME, MP (TRAGSA) para a execución do proxecto de referencia por un importe de 277.794,28 € e un prazo de execución de 4 meses.





Quinto: Diversas circunstancias alleas á vontade do medio propio fixeron que as obras se foran retrasando, ao que debe engadirse as malas condicións climatolóxicas para acometer obras de entubado para saneamento, o que fixo imposible o seu remate no prazo determinado para a súa execución.

Sexto: De acordo co artigo 237 da Lei 9/2017, do 8 de novembro, de Contratos do Sector Público, con data 20 de novembro de 2025 a dirección facultativa solicita a modificación da encarga por ampliación do prazo de execución das obras e conseguintemente e con data 24 de novembro de 2025 preséntase asemade a solicitude da dirección de obra de modificación da encarga por cambio de anualidades, solicitando a detracción de 148.261,02 € do orzamento consignado para 2025 e a súa contracción na anualidade 2026.

A tal fin reuniuse a Comisión de Seguemento do convenio, acordando con data 10 de decembro de 2025, formalizar unha addenda ao convenio de colaboración suscrito a fin de modificar as cláusulas segunda e terceira do mesmo e deixar constancia do traslado de 148.261,02 € do orzamento da anualidade 2025 á anualidade 2026.

Xa que logo, as partes acordan a sinatura desta Addenda de acordo coas seguintes:

CLÁUSULAS

Primeira: Obxecto

O obxecto desta addenda é modificar a distribución de anualidades inicial do convenio establecidas nos súas cláusulas segunda e terceira.

Ditas cláusulas quedan coa seguinte redacción:

“Segunda: Obrigas da Consellería do Medio Rural

A Consellería do Medio Rural asume a realización das obras sinaladas con cargo aos seus orzamentos, correspondéndolle en exclusiva a súa licitación ou encargo, tramitación e dirección.

O importe máximo que se destinará ás obras obxecto do presente convenio é de **277.794,28 €**, coa seguinte distribución por anualidades:

Anualidade 2025: **129.533,26 €**
Anualidade 2026: **148.261,02 €**

A diferenza entre o importe anterior e o que resulte do proceso de adxudicación quedará a disposición da Consellería do Medio Rural, sen prexuízo das modificacións que foran necesarias que en ningún caso poderá superar o importe máximo sinalado no parágrafo anterior.”





“Terceira: Financiamento

As obras obxecto deste convenio son financiados con fondos propios. O financiamento será con cargo á aplicación orzamentaria 15.06.551A.604.1 coa seguinte distribución de anualidades:

-2025: **129.533,26 €**
-2026: **148.261,02 €”**

Segunda.

En todo o non novado expresamente pola presente Addenda, seguirá en vigor o disposto no Convenio.

Terceira.

As partes asinantes desta Addenda outorgan o seu consentimento para que o resto das especificacións que constan na citada Addenda sexan publicados no Portal de Transparencia e Goberno Aberto e no Rexistro de Convenios da Xunta de Galicia, de acordo co establecido no artigo 15 da Lei 1/2026, do 18 de xaneiro, de transparencia e bo goberno, no Decreto 126/2006, do 20 de xullo, polo que se regula o Rexistro de Convenios da Xunta de Galicia, e en concordancia cos artigos 14 e seguintes da Lei 19/2013, do 9 de decembro, de transparencia, acceso á información pública e bo goberno.

En proba de conformidade, as partes asinan dixitalmente a presente Addenda

POLA XUNTA DE GALICIA
A conselleira do Medio Rural,

POLO CONCELLO DE VILANOVA DE AROUSA
O ALCALDE-PRESIDENTE,

M.ª José Gómez Rodríguez

Gonzalo Durán Hermida

